



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka ("Službeni glasnik BiH", broj: 95/12 i 41/16), člana 25. Pravilnika o godišnjim finansijskim izvještajima političkih stranaka ("Službeni glasnik BiH", broj: 96/13 i 89/16), a u skladu sa članom 18. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH", broj: 103/08), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2015. GODINU STRANKE ZA BOSNU I HERCEGOVINU

S A D R Ź A J

MIŠLJENJE	3
1. UVOD	4
2. PREDSTAVLJANJE POLITIČKE STRANKE	4
3. OPIS REVIZIJE	5
Predmet revizije.....	5
Cilj revizije	5
Obim revizije.....	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	12

MIŠLJENJE

Služba za reviziju finansiranja političkih stranaka (u daljem tekstu: Služba za reviziju) je izvršila reviziju godišnjeg finansijskog izvještaja Stranke za Bosnu i Hercegovinu za 2015. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo izvršili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garanciju da je stranka postupala u skladu sa odredbama Zakona o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Revizijom godišnjeg finansijskog izvještaja za 2015. godinu, utvrđeno je da je Stranka za Bosnu i Hercegovinu prekršila odredbe člana 4. stav (1), člana 5. stav (4), člana 6. stav (2), člana 8. stav (1), člana 11. i člana 12. Zakona o finansiranju političkih stranaka.

Prema našem mišljenju, osim navedenog, revidirani finansijski izvještaj ukazuje da je Stranka za Bosnu i Hercegovinu u 2015. godini postupala u skladu sa odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila reviziju godišnjeg finansijskog izvještaja Stranke za Bosnu i Hercegovinu za 2015. godinu.

Revizija je preduzeta u skladu sa članom 10. stav (1) Zakona o finansiranju političkih stranaka, članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka. Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Stranka za Bosnu i Hercegovinu se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	11.625,16	2,14
2.	Prilozi fizičkih lica (3-a)	10.127,90	1,87
3.	Prilozi pravnih lica (3-b)	700,00	0,14
4.	Prihodi od imovine (3-c)	527,23	0,09
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	819,00	0,15
7.	Prihodi iz budžeta (3-f)	518.344,10	95,60
8.	Prihodi od propagande (3-g)	0,00	
9.	Ostali prihodi	0,00	
I	Ukupni prihodi (1-9)	542.143,39	100,00
II	Kreditno zaduženje kod banaka	0,00	0,00
	Izvori finansiranja (I+II)	542.143,39	100,00

U godišnjem finansijskom izvještaju stranka je iskazala ukupne rashode u iznosu od 590.321,47 KM.

2. PREDSTAVLJANJE POLITIČKE STRANKE

Naziv političke stranke: Stranka za Bosnu i Hercegovinu. Skraćeni naziv stranke: SBiH.

Stranka za Bosnu i Hercegovinu je registrovana kod Višeg suda u Sarajevu, rješenjem broj: R-I-2/96 od 25.04.1996. godine.

Sjedište političke stranke je u Sarajevu, Trg Fra Grge Martića 2/II.

Lice ovlašteno za zastupanje stranke je Amer Jerlagić, predsjednik.

Lice ovlašteno za podnošenje finansijskih izvještaja za 2015. godinu je Salem Halilović.

Prema podacima iz godišnjeg finansijskog izvještaja za 2015. godinu, Stranka za Bosnu i Hercegovinu ima sljedeću organizacionu strukturu:

- Centrala stranke u Sarajevu,
- 9 kantonalnih vijeća,
- Gradski odbor političke stranke Mostar,
- 71 općinski savjet/odbor,
- Klub poslanika SBiH FBiH,
- Klub poslanika SBiH BiH i
- Fondacija SBiH.

3. OPIS REVIZIJE

Predmet revizije je godišnji finansijski izvještaj Stranke za Bosnu i Hercegovinu za 2015. godinu i to sljedećih organizacionih dijelova političke stranke:

- Centrale SBiH,
- OS SBiH Stari Grad i
- KV SBiH Tuzla.

Cilj revizije je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je Stranka za Bosnu i Hercegovinu u izvještajnom periodu postupala u skladu sa odredbama Zakona o finansiranju političkih stranaka.

Obim revizije finansijskih izvještaja Stranke za Bosnu i Hercegovinu obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta.

4. PRETHODNE KONTROLE I REVIZIJE

Revizija i pregled finansijskih izvještaja Stranke za Bosnu i Hercegovinu vršeni su u periodu od 2005. do 2014. godine, nakon kojih su izdati izvještaji o reviziji, odnosno izvještaji o pregledu sa mišljenjem revizora, nalazima i preporukama revizije.

Nakon izvršenog pregleda finansijskog izvještaja za 2014. godinu, Služba za reviziju je izdala Izvještaj o pregledu sa mišljenjem revizora, nalazima revizije i preporukama stranci da, u skladu sa odredbama člana 4. stav (1) ovog Zakona, sredstva troši isključivo za ostvarivanje ciljeva utvrđenih svojim programom i statutom, da vodi evidencije o prijemljenim priložima i izdaje potvrde o prijemu istih, da se, da u skladu sa članom 6. stav (2) Zakona dobrovoljne priloge u novcu uplaćuje na transakcijski račun centrale političke stranke, da se ne finansira iz zabranjenih izvora, da poslovne knjige vodi u skladu sa računovodstvenim propisima, odnosno da vodi potpune evidencije o prihodima i rashodima, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i da dostavlja dodatnu dokumentaciju koju od nje zatraži Centralna izborna komisija Bosne i Hercegovine.

Nerealizovane preporuke:

Na osnovu uočenih nedostataka u godišnjem finansijskom izvještaju za 2015. godinu, utvrđeno je da Stranka za Bosnu i Hercegovinu nije ispoštovala ranije date preporuke.

5. NALAZI I PREPORUKE

5.1. NALAZI

a) Stranka za Bosnu i Hercegovinu prekršila je odredbu člana 4. stav (1) Zakona o finansiranju političkih stranaka.¹

Revizijom je utvrđeno da je politička stranka izvršila isplate sredstava Privatnoj agenciji za posredovanje u zapošljavanju „Ramiloj“ d.o.o Sarajevo², u iznosu 6.780,30 KM, te po istima u poslovnim knjigama i finansijskom izvještaju iskazala trošak ostalih usluga u istom iznosu. Agencija „Ramiloj“ d.o.o. Sarajevo je Stranci za Bosnu i Hercegovinu ispostavila četiri fakture, i to: 31. marta na iznos od 2.234,00 KM, 30. juna na iznos od 1.307,00 KM, 31. jula na iznos od

¹ Finansijska sredstva iz člana 3. stav (1) Zakona o finansiranju političkih stranaka, političke stranke mogu koristiti isključivo za ostvarivanje ciljeva utvrđenih svojim programom i statutom.

² Privatna agencija za posredovanje u zapošljavanju „Ramiloj“ d.o.o Sarajevo je u likvidaciji od maja 2016. godine.

1.005,30 KM i 31. avgusta na iznos od 2.234,00 KM, ali nije navela koje su usluge izvršene političkoj stranci.

Stranka za Bosnu i Hercegovinu, osim faktura Agencije „Ramiloj“, tokom revizije nije predočila druge dokaze, da li su i koje usluge izvršene, što nedvosmisleno ukazuje na činjenicu da stranka ova sredstva nije utrošila isključivo za ostvarivanje ciljeva utvrđenih njenim programom i statutom, čime je prekršila odredbe član 4. stav (1) Zakona o finansiranju političkih stranaka.

b) Stranka za Bosnu i Hercegovinu je prekršila odredbe člana 5. stav (4)³ i člana 6. stav (2)⁴ Zakona o finansiranju političkih stranaka.

(1) Revizijom je utvrđeno da stranka u poslovnim knjigama i godišnjem finansijskom izvještaju nije prijavila nenovčane donacije, koje su ostavili njeni niži organizacioni dijelovi korištenjem poslovnih prostora bez naknade, čime je prekršila odredbe člana 5. stav (4) Zakona o finansiranju političkih stranaka.

- Uvidom u akt Općine Srebrenica broj: 01-014-229/15 od 14.06.2016. godine, utvrđeno je da je Općinski odbor SBiH Srebrenica, koristio prostor u vlasništvu Općine Srebrenica, površine 15,51 m² bez naknade.

- Općinski savjet SBiH Gradačac je na osnovu Ugovora broj: 08/2-31-2684/13 od 02.10.2013. godine koristio poslovne prostorija, Općine Gradačac, površine 40,00 m² i u 2015. godini bez naknade⁵.

- Uvidom u akt Općine Novo Sarajevo broj: 03-14-2489/16 od 22.06.2016. godine, utvrđeno je da je Općinski odbor SBiH Novo Sarajevo, koristio prostor u vlasništvu Općine Novo Sarajevo, površine 34,45 m² bez naknade.

- Općinski odbor SBiH Jablanica je, koristio prostor Općine Jablanica, površine 21,15 m² bez naknade⁶.

(2) Uvidom u dodatnu dokumentaciju, koju je Stranka za Bosnu i Hercegovinu dostavila na zahtjev Centralne izborne komisije BiH, utvrđeno je da stranka nije izdala potvrde fizičkim licima od kojih je primila donacije u iznosu od 3.321,90 KM, i to: OS SBiH Tuzla donacije u iznosu od 1.851,90 KM i KV SBiH USK donacije u iznosu od 720,00 KM.

Ne izdavanjem zakonom propisanih potvrda Stranka za Bosnu i Hercegovinu je prekršila odredbe člana 5. stav (4) Zakona o finansiranju političkih stranaka i odredbe člana 6. stav (1) Pravilnika o godišnjim finansijskim izvještajima političkih stranaka.

(3) Kontrolom izvoda sa transakcijskih računa, utvrđeno je nisu svi prilozi fizičkih lica uplaćeni na transakcijski račun centrale stranke, što je suprotno odredbi člana 6. stav (2) Zakona o finansiranju političkih stranaka.

c) Stranka za Bosnu i Hercegovinu je, suprotno odredbi člana 8. stav (1) tačka g) Zakona o finansiranju političkih stranaka, ostvarila zabranjenu donaciju od udruženja građana koje je finansirano javnim sredstvima.

Prema podacima koje je, aktom broj: 05-02-1665/16 od 10.06.2016. godine dostavila Općina Ključ, poslovni prostor zgrade Doma kulture Općina je dodijelila na korištenje Udruženju građana „Ključki biseri“ iz Ključa. Ovo udruženje građana je Općinskom odboru Stranke za Bosnu i Hercegovinu u Ključu dio prostora, površine 52,15 m², dodijelilo na korištenje bez naknade.

³ Političke partije dužne su da vode evidenciju o prijemu članarina i dobrovoljnih priloga, te da izdaju potvrde o prijemu članarina i dobrovoljnih priloga. Ovlašćeno lice u političkoj stranci uplaćuje članarinu i dobrovoljne priloge neposredno na transakcijski račun političke stranke najkasnije u roku od 10 dana od dana prijema uplate.

⁴ Dobrovoljni prilozi u novcu uplaćuju se na transakcijski račun centrale političke partije.

⁵ Akt Općine Gradačac, broj: 08/2-31-1477/16 od 08.06.2016. godine.

⁶ Akt Općine Jablanica, broj: 01-25-4-1858/16 od 13.06.2016. godine.

d) Stranka za Bosnu i Hercegovinu je prekršila odredbe člana 11 i člana 12. stav (1), (3) Zakona o finansiranju političkih stranaka⁷.

Revizijom godišnjeg finansijskog izvještaja, utvrđeno je da Stranka za Bosnu i Hercegovinu nije, u skladu sa računovodstvenim propisima i odredbama Zakona o finansiranju političkih stranaka, uspostavila, potpune i tačne evidencije o prometu novčanih sredstava putem transakcijskih računa i prometu gotovine putem blagajne, nije uspostavila potpune evidencije o prihodima, rashodima i obavezama stranke, čime je prekršila odredbe člana 11. i člana 12. stav (1) Zakona o finansiranju političkih stranaka. Finansijski izvještaj, koji je podnijela Centralnoj izbornoj komisiji BiH, stranka nije popunila u skladu sa članom 12. stav (3) ovog Zakona i Pravilnikom o godišnjim finansijskim izvještajima političkih stranaka.

Stranka za Bosnu i Hercegovinu po zahtjevu Centralne izborne komisije Bosne i Hercegovine, koji su joj dostavljeni 2016. i 2017. godine, nije dostavila dodatnu dokumentaciju, čime je prekršila odredbe člana 12. stav (5) Zakona o finansiranju političkih stranaka⁸.

(1) U finansijskom izvještaju (Obrascu 2. - pregled prometa svih transakcijskih računa političke stranke) Stranka za Bosnu i Hercegovinu nije iskazala promet putem 12 transakcijskih računa, dok je promet računa pojedinih organizacionih dijelova stranke iskazan pogrešno, čime je prekršila odredbe člana 11. Pravilnika.

- Politička stranka u finansijskom izvještaju nije iskazala promet po transakcijskim računima sljedećih organizacionih dijelova: OS SBiH Teočak, OS SBiH Srebrenica, OS SBiH Kupres, OS SBiH Jablanica, OS SBiH Grad Doboj, OS SBiH Novo Sarajevo, OS BiH Ilidža, OS SBiH Fojnica, OS SBiH Donji Vakuf, OS SBiH Doboj Jug, OS SBiH Bužim i OS SBiH Odžak.

- Kontrolom godišnjeg finansijskog izvještaja utvrđeno je da je stranka u obrascu iskazala promet ulaza na transakcijskom računu KV SBiH Tuzla, broj: 1321000309545729 od NLB banke u iznosu od 24.656,16 KM i promet izlaza u iznosu od 27.833,06 KM. Kontrolom izvode sa ovog transakcionog računa, utvrđen je promet ulaza u iznosu od 28.488,79 KM i promet izlaza u iznosu od 31.665,69 KM.

U skladu sa odredbama člana 11. Pravilnika o godišnjim finansijskim izvještajima političkih stranaka, Stranka za Bosnu i Hercegovinu je bila obavezna prijaviti sve transakcijske račune i iskazati njihov promet u izvještajnom periodu.

(2) Stranka za Bosnu i Hercegovinu u finansijskom izvještaju (Obrascu 2.1 - pregled stanja blagajne) nije tačno iskazala promet blagajne, čime je prekršila odredbe člana 12. Pravilnika.

- Centrala Stranke za Bosnu i Hercegovinu je iskazala stanje na dan 01.01.2015. godine u iznosu od 2.545,66 KM, promet ulaza u iznosu od 5.485,00 KM, promet izlaza u iznosu od 8.028,96 KM i saldo na dan 31.12.2015. godine u iznosu od 1,70 KM. Kontrolom blagajničke dokumentacije utvrđen je promet ulaza u iznosu 5.488,20 KM, promet izlaza je iznosio 8.028,95 KM i saldo na dan 31.12.2015. godine u iznosu od 4,90 KM.

- Kantonalno vijeće Stranke za Bosnu i Hercegovinu Tuzla iskazalo promet ulaza u iznosu od 1.275,00 KM i promet izlaza u iznosu od 1.222,65 KM. Kontrolom blagajničke dokumentacije utvrđeno je da je promet ulaza iznosio 1.150,00 KM i promet izlaza 1.097,65 KM.

(3) Revizijom godišnjeg finansijskog izvještaja je utvrđeno da podaci o prihodima i rashodima Stranke za Bosnu i Hercegovinu iskazani u finansijskom izvještaju ne odgovaraju podacima iz poslovnih knjiga i Završnog računa stranke za period 01.01.-31.12.2015. godine.

⁷ Zakon o finansiranju političkih stranaka („Službeni glasnik BiH“, broj 95/12)

⁸ Zakon o finansiranju političkih stranaka („Službeni glasnik BiH“, broj 41/16)

Stranka za Bosnu i Hercegovinu je u godišnjem finansijskom izvještaju, koji je podnijela Centralnoj izbornoj komisiji BiH iskazala ukupne prihode u iznosu od 542.143,39 KM i ukupne rashode u iznosu od 590.321,47 KM, dok je u Završnom računu stranke za period 01.01.-31.12.2015. godine, koji je podnijela nadležnoj agenciji u skladu sa računovodstvenim propisima, iskazala ukupne prihode u iznosu od 496.584,00 KM i ukupne rashode u iznosu od 524.869,00 KM.

- Stranka je u finansijskom izvještaju iskazala članarinu u iznosu od 11.625,16 KM, dok je kroz završni račun prijavljena članarina u iznosu od 6.840,00 KM.
- Na nivou stranke donacije fizičkih lica su iskazane u iznosu manjem za 40,00 KM, u odnosu na pojedinačne obrasce sačinjene za niže organizacione dijelove stranke.
- Stranka je kao priloge pravnih lica iskazala interni prenos sredstava OO SBiH Tuzla Kantonalnom vijeću Tuzla u iznosu od 500,00 KM, čime je u godišnjem finansijskom izvještaju neosnovano uvećala prihode za 500,00 KM, čime je prekršila odredbe člana 13. i člana 15. Pravilnika.
- Stranka za Bosnu i Hercegovinu u finansijskom izvještaju (obrascima 3. i 3e - donacije od poklona) nije iskazala nenovčane donacije po osnovu korištenja poslovnih prostora bez naknade, koje su stranci dodijelile Općina Srebrenica, Općina Novo Sarajevo, Općina Gradačac i Općina Jablanica.
- Stranka za Bosnu i Hercegovinu je u godišnjem finansijskom izvještaju (Obrazac 3-f *prihodi iz budžeta*) iskazala prihode iz budžeta u iznosu od 518.344,10 KM. Na osnovu dokaza pribavljenih od organa izvršne vlasti, iz čijih budžeta je finansirana politička stranka, utvrđene su značajne razlike u iznosima prihoda koje je prijavila stranka i isplaćenih budžetskih sredstava.
 1. Općina Centar Sarajevo⁹ je dostavila podatke na osnovu kojih je utvrđeno da su Stranci za Bosnu i Hercegovinu u 2015. godini iz budžeta općine uplaćena sredstva u iznosu od 26.405,36 KM. Stranka je u obrascu 3-f finansijskog izvještaja iskazala prihod u iznosu od 28.127,30 KM.
 2. Na osnovu podataka koje je dostavila Općina Novi Travnik¹⁰, utvrđeno je da su Stranci za Bosnu i Hercegovinu u 2015. godini iz budžeta općine uplaćena sredstva u iznosu od 3.300,00 KM. Stranka je u obrascu 3-f finansijskog izvještaja iskazala prihod u iznosu od 3.740,00 KM.
 3. Bosansko-podrinjski kanton¹¹, je dostavio podatke na osnovu kojih je utvrđeno da su Stranci za Bosnu i Hercegovinu u 2015. godini iz budžeta kantona uplaćena sredstva u iznosu od 6.021,80 KM. Stranka je u obrascu 3-f finansijskog izvještaja iskazala prihod u iznosu od 8.496,85 KM.
 4. Na osnovu podataka koje je dostavila Općina Konjic¹², utvrđeno je da su Stranci za Bosnu i Hercegovinu u 2015. godini iz budžeta ove općine uplaćena sredstva u iznosu od 22.360,32 KM. Stranka za Bosnu i Hercegovinu je u obrascu 3-f (prihodi iz budžeta) iskazala prihod u iznosu od 22.098,33 KM.
 5. Općina Prozor-Rama¹³, je dostavila podatke na osnovu kojih je utvrđeno da su Stranci za Bosnu i Hercegovinu u 2015. godini iz budžeta ove općine uplaćena sredstva u iznosu od

⁹ Akt Općine Centar Sarajevo, broj: 11-49-427/16 od 28.09.2016. godine.

¹⁰ Akt Općine Novi Travnik, broj: 04-116/16 od 02.03.2016. godine.

¹¹ Akt Bosansko-podrinjskog kantona, broj: 06-14-925-1/16 od 23.03.2016. godine.

¹² Akt Općine Konjic, broj: 08-16-2-620/16 od 07.09.2016. godine.

¹³ Akt Općine Prozor-Rama, broj: 04/2-16-2303/16 od 09.09.2016. godine.

- 7.052,53 KM. Stranka je u obrascu 3-f (prihodi iz budžeta) iskazala prihod u iznosu od 6.285,74 KM.
6. Općina Kakanj¹⁴, je dostavila podatke na osnovu kojih je utvrđeno da su Stranci za Bosnu i Hercegovinu u 2015. godini iz budžeta ove općine uplaćena sredstva u iznosu od 5.603,52 KM. Stranka je u obrascu 3-f (prihodi iz budžeta) iskazala prihod u iznosu od 5.136,56 KM.
 7. Općina Kladanj¹⁵, je dostavila podatke na osnovu kojih je utvrđeno da su Stranci za Bosnu i Hercegovinu u 2015. godini iz budžeta ove općine uplaćena sredstva u iznosu od 356,25 KM. Stranka je u obrascu 3-f (prihodi iz budžeta) iskazala prihod u iznosu od 1.362,12 KM.
 8. Grad Tuzla¹⁶, je dostavio podatke na osnovu kojih je utvrđeno da su Stranci za Bosnu i Hercegovinu u 2015. godini iz budžeta ovog grada uplaćena sredstva u iznosu od 31.629,59 KM. Stranka je u obrascu 3-f (prihodi iz budžeta) iskazala prihod u iznosu od 36.527,59 KM.
 9. Općina Živinice¹⁷, je dostavila podatke na osnovu kojih je utvrđeno da su Stranci za Bosnu i Hercegovinu u 2015. godini iz budžeta ovog grada uplaćena sredstva u iznosu od 10.658,97 KM. Stranka je u obrascu 3-f (prihodi iz budžeta) iskazala prihod u iznosu od 11.799,80 KM.
 10. Općina Čelić¹⁸, je dostavila podatke na osnovu kojih je utvrđeno da su Stranci za Bosnu i Hercegovinu u 2015. godini iz budžeta ovog grada uplaćena sredstva u iznosu od 2.717,65 KM. Stranka je u obrascu 3-f (prihodi iz budžeta) iskazala prihod u iznosu od 4.157,68 KM.
 11. Stranka za Bosnu i Hercegovinu nije u obrascu 3-f iskazala prihod iz budžeta Općine Teočak. Na osnovu podataka koje je dostavila Općina Teočak¹⁹, utvrđeno je da su stranci u 2015. godini iz budžeta ove općine uplaćena sredstva u iznosu od 675,00 KM.
 12. Stranka za Bosnu i Hercegovinu nije u obrascu 3-f iskazala prihod iz budžeta Općine Srebrenica. Kontrolom izvoda sa transakcijskog računa broj: 5513121129619145 kod UniCredit banke, utvrđeno je da su stranci u 2015. godini iz budžeta općine Srebrenica uplaćena sredstva u iznosu od 4.038,60 KM.
 13. Stranka za Bosnu i Hercegovinu nije u obrascu 3-f iskazala prihod iz budžeta Općine Kupres. Na osnovu podataka koje je dostavila Općina Kupres²⁰, utvrđeno je da su stranci u 2015. godini iz budžeta ove općine uplaćena sredstva u iznosu od 426,27 KM.
 14. Politička stranka nije u obrascu 3-f iskazala prihod iz budžeta Općine Jablanica. Na osnovu podataka koje je dostavila Općina Jablanica²¹, utvrđeno je da su stranci u 2015. godini iz budžeta ove općine uplaćena sredstva u iznosu od 2.679,21 KM.
 15. Stranka za Bosnu i Hercegovinu nije u obrascu 3-f iskazala prihod iz budžeta Grada Doboj. Na osnovu podataka koje je dostavio Grad Doboj²², utvrđeno je da su stranci u 2015. godini iz budžeta ove općine uplaćena sredstva u iznosu od 1.021,50 KM.
 16. U obrascu 3-f Stranka za Bosnu i Hercegovinu nije iskazala prihod iz budžeta Općine Novo Sarajevo. Na osnovu podataka koje je dostavila Općina Novo Sarajevo²³, utvrđeno je da su stranci u 2015. godini iz budžeta ove općine uplaćena sredstva u iznosu od 20.640,36 KM.

¹⁴ Akt Općine Kakanj, broj: 02/1-4505/16 od 09.09.2016. godine.

¹⁵ Akt Općine Kladanj, broj: 03/1-14-644/16 od 09.09.2016. godine.

¹⁶ Akt Grada Tuzla, broj: 03-14-3359/2017(SD) od 14.04.2017. godine.

¹⁷ Akt Općine Živinice, broj: 03-14-213/16 od 14.09.2016. godine.

¹⁸ Akt Općine Čelić, broj: 04-49-899/17 od 20.04.2017. godine.

¹⁹ Akt Općine Teočak, broj: 04-14-386/16 od 25.02.2016. godine.

²⁰ Akt Općine Kupres, broj: 02-03/2-14-2-206/16 od 03.03. 2016. godine.

²¹ Akt Općine Jablanica, broj: 01-16-645/16 od 12.04.2017. godine.

²² Akt Grada Doboj, broj: 06-403-1-180/17 od 20.04.2017. godine.

17. Stranka za Bosnu i Hercegovinu nije u obrascu 3-f iskazala prihod iz budžeta Općine Ilidža. Na osnovu podataka koje je dostavila Općina Ilidža²⁴, utvrđeno je da su stranci u 2015. godini iz budžeta ove općine uplaćena sredstva u iznosu od 15.120,00 KM.
18. Politička stranka nije u obrascu 3-f iskazala prihod iz budžeta Općine Fojnica. Na osnovu podataka koje je dostavila Općina Fojnica²⁵, utvrđeno je da su stranci u 2015. godini iz budžeta ove općine uplaćena sredstva u iznosu od 2.679,00 KM.
19. Stranka za Bosnu i Hercegovinu nije u obrascu 3-f iskazala prihod iz budžeta Općine Donji Vakuf. Na osnovu podataka koje je dostavila Općina Donji Vakuf²⁶, utvrđeno je da su stranci u 2015. godini iz budžeta ove općine uplaćena sredstva u iznosu od 2.332,15 KM.
20. Stranka za Bosnu i Hercegovinu nije u obrascu 3-f iskazala prihod iz budžeta Općine Doboju Jug. Na osnovu podataka koje je dostavila Općina Doboju Jug²⁷, utvrđeno je da su stranci u 2015. godini iz budžeta ove općine uplaćena sredstva u iznosu od 192,00 KM.
21. Stranka za Bosnu i Hercegovinu nije u obrascu 3-f iskazala prihod iz budžeta Općine Bužim. Na osnovu podataka koje je dostavila Općina Bužim²⁸, utvrđeno je da su stranci u 2015. godini iz budžeta ove općine uplaćena sredstva u iznosu od 1.000,00 KM.
22. Stranka za Bosnu i Hercegovinu nije u obrascu 3-f iskazala prihod iz budžeta Općine Odžak. Kontrolom izvoda sa transakcijskog računa broj: 1549212001404002 kod Intesa Sanpaolo banke utvrđeno je da su stranci u 2015. godini iz budžeta ove općine uplaćena sredstva u iznosu od 1.944,00 KM.

- (4) Revizijom je utvrđeno da Stranka za Bosnu i Hercegovinu nije uspostavila potpune i tačne evidencije o rashodima stranke, te ih nije pravilno iskazala ni u finansijskom izvještaju (obrascu 4. - ukupni rashodi, obrascu 4.1 - režijsko-administrativni i ostali troškovi i obrascu 4.2 - troškovi propagande), čime je prekršila odredbe člana 21., 22. i 23. Pravilnika.

Evidentne su zanačajne razlike u iznosima rashoda koje je stranka iskazala u poslovnim knjigama, rashoda koje je prijavila u finansijskom izvještaju, koji je podnijela Centralnoj izbornoj komisiji BiH, u odnosu na rashode iskazane u završnom računu koji je stranka podnijela nadležnoj agenciji u skladu sa računovodstvenim propisima.

- Stranka za Bosnu i Hercegovinu u finansijskom izvještaju zbirnom obrascu 4. (rashodi političke stranke) nije iskazala režijsko-administrativne troškove organizacionog dijela u Odžaku i Organizacionog dijela u Gornjem Vakufu/Uskoplju. Iz dokumentacije koja je naknadno dostavljena, utvrđeno je da je OS SBiH Odžak ostvario troškove u iznosu od 1.753,00 KM i OS SBiH Gornji Vakuf/Uskoplje u iznosu od 8.079,00 KM, što su i iskazali na pojedinačnim obrascima 4.1 koji se popunjavaju po organizacionim dijelovima.
- Stranka u finansijskom izvještaju nije evidentirala troškove zakupa poslovnih prostora, koji su joj dodijeljeni na korištenje bez naknade, od strane: Općine Stari Grad Sarajevo, Općine Živinice, Općine Srebrenica, Općine Novo Sarajevo, Općine Gradačac, Općine Jablanica i Općine Ključ, čime je prekršila odredbe člana člana 21. i člana 22. Pravilnika.

²³ Akt Općine Novo Sarajevo, broj 03-14-1304/16 od 09.09.2016. godine.

²⁴ Akt Općine Ilidža, broj: 06-14-10/16-30 od 09.09.2016. godine.

²⁵ Akt Općine Fojnica, broj: 04-14-263/17 od 20.04.2017. godine.

²⁶ Akt Općine Donji Vakuf, broj: 02-14-00365/16-1 od 02.03.2016. godine.

²⁷ Akt Općine Doboju Jug, broj: 03-14-10-249-1/16 od 23.02.2016. godine.

²⁸ Akt Općine Bužim, broj: 02-14-708-3/17 od 14.04.2017. godine.

- Revizijom je utvrđeno da je Stranka za Bosnu i Hercegovinu u godišnjem finansijskom izvještaju iskazala troškove zakupa poslovnih prostora u manjem iznosu u odnosu na ugovorene cijene zakupa za sljedeće organizacione dijelove: OS SBiH Kakanj u iznosu od 2.336,92 KM,²⁹, OS SBiH Šanski Most u iznosu od 168,41 KM³⁰, OS SBiH Banovići u iznosu od 1300,92 KM³¹ i OS SBiH Žepče u iznosu od 800,00 KM.³²
- (5) Stranka za Bosnu i Hercegovinu nije u finansijskom izvještaju iskazala obaveze na način kako je propisano Pravilnikom o godišnjim finansijskim izvještajima političkih stranaka, čime je prekršila odredbe člana 12. stav (3) Zakona o finansiranju političkih stranaka i člana 24. Pravilnika o godišnjim finansijskim izvještajima političkih stranaka.
- Politička stranka, u finansijski izvještaj nije unijela podatke o datumu realizacije pozajmica i roku njihovog vraćanja, koje je u finansijskom izvještaju iskazala na dan 31.12.2015. godine u iznosu od 92.839,50 KM, iako je u skladu sa odredbom iz člana 24. stav (1) tačka a) Pravilnika, bila obavezna unijeti podatke o davaocu pozajmice, iznosu, datumu realizacije, visini rate, roku vraćanja i iznos obaveze na dan 31.12. 2015. godine.
 - Centrala Stranke za Bosnu i Hercegovinu je u finansijskom izvještaju (obrascu 5-2 – Ostale obaveze), umjesto podataka o povjeriocima, datumu nastanka svake obaveze i stanju obaveze prema svakom od povjerilaca na dan 31.12. izvještajne godine, unijela sve obaveze u jednom iznosu, odnosno 330.178,65 KM, koliko je iskazala i u poslovnim knjigama. U skladu sa odredbom iz člana 24. stav (1) tačka b) Pravilnika, u finansijski izvještaj, odnosno obrazac 5-2 *Ostale obaveze*, stranka je bila obavezna unijeti podatke o nazivu povjerioca, datumu nastanka obaveze i iznosu obaveze na određeni dan.

Revizijom je utvrđeno da stranka u finansijskom izvještaju nije prijavila dio obaveza.

- Stranka za Bosnu i Hercegovinu nije iskazala obaveze Kantonalnog vijeća SBiH Tuzla prema dobavljaču „Centralno grijanje“ d.d. Tuzla u iznosu od 1.6287,55 KM.
- Na zahtjev Centralne izborne komisije BiH, dobavljač Advokatsko društvo „Spaho“ Sarajevo, dostavio je podatke o potraživanjima od Stranke za Bosnu i Hercegovinu na dan 31.12.2015. godine u iznosu od 1.951,20 KM³³, dok je stranka u obrascu 5.2 iskazala svoje obaveze u iznosu od 1.474,20 KM.
- Po zahtjevu Centralne izborne komisije BiH, dobavljač KJP Centar „Skenderija“ d.o.o. Sarajevo, dostavio je podatke o potraživanjima od Stranke za Bosnu i Hercegovinu na dan 31.12.2015. godine u iznosu od 4.223,70 KM uz navođenje i troškova nastalih u postupku tužbe za navedena potraživanja u iznosu od 253,45 KM, koje stranka nije iskazala u obrascu 5.2. finansijskog izvještaja³⁴.
- Dobavljač stranke Služba za zajedničke poslove organa i tijela Federacije BiH, dostavio je podatke o potraživanjima od Stranke za Bosnu i Hercegovinu na dan 31.12.2015. godine u iznosu od 463,98 KM, dok je stranka u obrascu 5.2 iskazala svoje obaveze u iznosu od 426,88 KM³⁵.

²⁹ Ugovor broj: 85/15 od 09.01.2015.,. godine.

³⁰ Stranka je u obrascu 4-1 iskazala iznos od 391,41 KM.

³¹ Stranka je u obrascu 4-1 iskazala iznos od 1.869,00 KM.

³² Stranka je u obrascu 4-1 iskazala iznos od 2.600,00 KM.

³³ Akt od 10.04.2017. godine.

³⁴ Akt broj: 1941/17 od 07.04.2017. godine.

³⁵ Akt broj: 02-14-1487/17 od 10.04.2017. godine.

- Dobavljač stranke Sarajevo-osiguranje D.D., dostavio je podatke o potraživanjima od Stranke za Bosnu i Hercegovinu na dan 31.12.2015. godine u iznosu od 4.975,80 KM, dok je stranka u obrascu 5.2 iskazala svoje obaveze u iznosu od 3.739,49 KM³⁶.
 - Na osnovu podataka koje su dostavila Općina Živinice, utvrđeno je da stranka nije evidentirala u poslovnim knjigama niti je iskazala na obrascu 5. obaveze po osnovu duga za zakup poslovnog prostora prema Općini Živinice u ukupnom iznosu od 3.098,02 KM.
- (6) Stranka za Bosnu i Hercegovinu po zahtjevu Centralne izborne komisije Bosne i Hercegovine, nije dostavila dodatnu finansijsku dokumentaciju, čime je prekršila odredbe člana 12. stav (5) Zakona o finansiranju političkih stranaka
- Dana 25.07.2016. godine, Centralna izborna komisija Bosne i Hercegovine je Stranci za Bosnu i Hercegovinu uputila Zahtjev za dostavljanje dodatne dokumentacije za 2015. godinu, kojim je od stranke pored ostalog zatraženo da dostavi kopiju izvoda sa transakcijskih računa i izvode otvorenih stavki za dobavljače: „Oslobođenje“ d.o.o. Sarajevo, „Finekko“ d.o.o. Sarajevo, „Herceg tisak“ d.o.o., poslovica Sarajevo, „Općina Stari Grad“ Sarajevo, „RTM –TV“ d.o.o. Mostar, Udruženja „Student“ Sarajevo i „Sarajevo-osiguranje“ d.o.o. Sarajevo.
 - Dana 17.03.2017. godine, Centralna izborna komisija BiH je Stranci za Bosnu i Hercegovinu uputila Zahtjev za dostavljanje dodatne dokumentacije za 2015. godinu,³⁷ kojim je od stranke zatraženo da dostavi poslovne knjige za period 01.01.-31.12.2015. godine, kopije izvoda sa transakcijskih računa i analitičke kartice dobavljača za sljedeće organizacione dijelove stranke: OS SBiH Odžak, OS SBiH Srebrenica, OS SBiH Fojnica, OS SBiH Donji Vakuf, OS Novo Sarajevo, OS SBiH Ilidža i OS SBiH Gornji Vakuf-Uskoplje.
 - Dana 05.04.2017. godine Centralna izborna komisija BiH je Stranci za Bosnu i Hercegovinu uputila Urgenciju za dostavljanje dodatne dokumentacije za 2015. godinu³⁸ kojim je od stranke ponovo zatraženo da dostavi dodatnu dokumentaciju za već pomenute organizacione dijelove stranke.

S obzirom da stranka nije postupila u skladu sa zahtjevom Centralne izborne komisije Bosne i Hercegovine, odnosno nije dostavila traženu dokumentaciju, prekršila je odredbe člana 12. stav (5) Zakona o finansiranju političkih stranaka.

5.2. PREPORUKE

Preporučuje se Stranci za Bosnu i Hercegovinu da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da u skladu sa odredbama člana 4. stav (1) ovog Zakona, sredstva troši isključivo za ostvarivanje ciljeva utvrđenih svojim programom i statutom,***
- ***da vodi evidencije o prijemljenim priložima i izdaje potvrde o prijemu priloga,***
- ***da u skladu sa članom 6. stav (2) Zakona, dobrovoljne priloge u novcu uplaćuje na transakcijski račun centrale političke stranke,***
- ***da se ne finansira iz zabranjenih priloga,***
- ***da poslovne knjige vodi u skladu sa računovodstvenim propisima, odnosno da vodi potpune evidencije o novčanim tokovima, prihodima, rashodima i obavezama stranke,***

³⁶ Akt broj: 01-1161/17 od 21.04.2017. godine.

³⁷ Zahtjev broj: 03-07-6-327-42/16 od 17.03.2017. godine.

³⁸ Urgencija za dostavljanje dodatne dokumentacije, broj: 03-07-6-327-57/16 od 05.04.2017. godine.

- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da dostavlja dodatnu dokumentaciju koju od nje zatraži Centralna izborna komisija Bosne i Hercegovine.*

KOMENTAR:

U ostavljenom roku, Stranka za Bosnu i Hercegovinu je dostavila primjedbe na Preliminarni izvještaj o reviziji godišnjeg finansijskog izvještaja za 2015. godinu. Uz primjedbe su dostavljeni korigovani obrasci finansijskog izvještaja i izvodi sa transakcijskih računa organizacionih dijelova KV SBiH Zenica, OO SBiH Zavidovići, OO SBiH Maglaj i OO SBiH Žepče, čime je stranka djelimično otklonila nedostatke u popunjavanju finansijskog izvještaja.

Služba za reviziju je razmotrila dostavljene dokaze, uvažila argumentovane primjedbe stranke, pa je u skladu sa istima korigovala nalaze revizije.

Pomoćnik revizora

Mr. sc. Goran Cicović

Šef Službe za reviziju, revizor

Mr.sc. Hasida Gušić